



O fiscal xefe de Galicia, **Carlos Varela**, iniciará os faladoiros o primeiro venres de outubro e o presidente do Consello da Cultura, **Ramón Villares**, poñeralle o ramo no mes de xuño.

Por sexto ano consecutivo o próximo venres cinco de outubro iniciárase un novo ciclo de faladoiros organizado polo Instituto de Estudos Miñoranos no Pazo da Escola de Mañufe, Gondomar.

Como é costume os faladoiros terán lugar preferentemente o primeiro venres de cada mes, dende outubro a xuño, e comezarán ás 20:30h. Tamén como de costume despois do acto público haberá unha cea coa persoa convidada á que se poderá asistir facendo a correspondente reserva de praza no teléfono 680 6444 90 ou no correo electrónico direccion@minhor.org

Este novo ciclo de Tertulias iniciárase o 5 de outubro coa presenza do Fiscal Xefe do Tribunal Superior de Xustiza de Galicia, **Carlos Varela** que será presentado polo Avogado e profesor Da Escola de Práctica Xurídica do Colexio de Avogados de Vigo, Xaime Luxilde.

- 2 novembro estará entre nós a actriz e productora cinematográfica **Mabel Rivera** que será presentada polo músico e médico Antón Seoane.
- A escritora, traductora e interprete, ademais de fundadora de Implicados/as no Desenvolvemento, **María Reimóndez**, estará con nós o 14 de decembro e será presentada pola profesora e poeta, Marta Dacosta
- O doutor **Ángel Carracedo Álvarez**, Catedrático de Medicina Legal da USC. Director do Instituto de Medicina Legal de Santiago visitaranos o 11 de xaneiro de 2008 e será presentado polo biólogo, profesor e concelleiro de Nigrán, Juan Hermida.
- Será o primeiro de febreiro cando se achegue ata o Val Miñor o ex profesor da EUAT da Coruña e Arquitecto Técnico ademais de destacado activista a prol da cultura galega, **Manuel Caamaño**, quen será presentado pola Catedrática da Universidade de Vigo, Camiño Noia.
- O arqueólogo e técnico de Xestión Cultural da Deputación da Coruña, **Felipe Senén López Gómez** compartirá faladoiro con nós o 7 de marzo e será presentado polo psicólogo e profesor Xilberte Manso.
- O 4 de abril será o empresario **Lorenzo López Vázquez**, presidente de San Luís e do

Escrito por VM

Sábado, 29 Setembro 2007 21:39

Padroado do CGAC quen comparta con nós as súas inquedanzas e será presentado polo director de Caixanova de Gondomar, Emilio García Crego.

- En maio, o 9, será a quenda do músico e profesor **Pepe Ferreirós** que será presentado polo gaitero e profesor Iván Area.
- Rematan os faladoiros coa participación de **Ramón Villares**, historiador e presidente do Consello da Cultura que será presentado polo director do Instituto de Estudos Miñoranos, Carlos Méixome.